



50
1761, 4
7
FACULTATIS IURIDICAE
DECANVS

CONRAD. WILHELM.
STRECKER


JCTVS

EMINENTISSIMI AC CELSISSIMI PRINCIPIS ELECTORIS
MOGVNTINI CONSILIARIVS REGIMINIS, PRAEFATAE
FACULTATIS ASSESSOR SENIOR, DECRETALIVM PRO-
FESSOR PVBLICVS ORDINARIVS, ET CIVITATIS
ERFORDIENSIS CONSVL PRI-
MARIVS.

L. B. S.



ERFORDIAE,
INTERIS HERINGIANIS, ACAD. TYPOGR.



COMPTON & WELLS
STATIONER

PRINTERS & PUBLISHERS
100 N. BROADWAY
NEW YORK

A. B. C.

THE UNIVERSITY OF CHICAGO PRESS
54 EAST COLUMBIA STREET
CHICAGO, ILL.





Hominis Voluntas versatur circa omnes res, quatenus nempe vel bonæ vel malæ ipsi videntur, illas appetit, has respuit; Nunquam enim voluntas moveri potest ad aliquid vel ab aliquo, nisi sub ratione alicujus bonitatis vel malitiæ, quæ revera objecto inest, vel inesse putatur. Nihil autem refert, an bonitas delitescat immediate in illo ipso, quod volumus, an in alio, quod consequi propter illud speramus. Volumus enim vel nolumus aliquid, vel propter illud ipsum, quod volumus vel nolumus, vel propter aliquod bonum vel malum ex eo per consequentiam emergens. ARIST. 7. Eth. 8. tit. 16. Restrigitur autem quamplurimum voluntas vel adjectione modi, vel conditionis, vel certi temporis. Est autem modus causa finalis, per quam aliquid fit, vel præstatur, adjicitur per particulas: UT ad vel NE vel AD. Hic non uti conditio suspendit obligationem, sed statim dies cedit

X 2

&

& venit, Creditorque aut Legatarius statim agere potest *L. 50. de condit. & demonstr.* Quod non tantum procedit in contractibus, sed etiam in ultimis voluntatibus, modo hæres aut Legatarius cautionem de implemento præstiterit. *L. 1. pr. de condit. & demonstr.* Quamvis autem ordinatio sub modo, non, uti conditionalis, inferat, ut aliquid præcedat, sed ut aliquid sequatur, in eo tamen modus cum conditione convenit, quod utrumque adimpleri debeat, ita tamen, ut conditione non adimpleta, dispositio impediatur, & modo non adimpleto, competit conditio causa data non secuta, & contractus resolvitur *L. 1. C. de his, que sub mod.* Conditio proprie est adjectio, quæ rem ipsam differt in casum futurum incertum, adeoque differt ipsam actus perfectionem, donec impleatur, & nihil ponit in esse. *L. 213. de V. S. L. 8. si quis omiss. caus. test.* Potest autem voluntas in quibuscunque negotiis quacunque conditione regulariter restringi, nisi alicujus negotii natura conditionis alicujus adjectionem respuat, aut lex prohibeat, ita respuat contractus omnem suæ essentiæ & naturæ contrariam conditionem. *L. 17. L. 46. §. 3. de V. O.* Adjicitur vel affirmative, quando aliquid confertur in casum, qui dependet ab arbitrio ejus, cum quo agitur, quæ regularitur in forma specifica adimplenda *L. 44. pr. de condit. & demonstr.* Ex æquitate tamen etiam per æquipollens potest impleri, si impossibile sit, ut specificè adimpleatur *L. 5. C. de donat. sub mod.* præprimis si disponentis voluntati per æquipollens æque, ac per ipsam formam specificam satisfieri possit. *L. 84. §. 7. de Legat. 1.* Vel negative, quæ consistit in non faciendo, ratione hujus conditionis negativæ

gativæ distinguendum est inter ultimas voluntates & alia negotia. In illis implementum conditionis non expectatur, sed hæres vel legatarius præstat cautionem Mutianam se nolle facere, quod testator prohibuit. *L. 73. de cond. & demonst.* quia si expectanda esset mors honorati, his inutile foret relictum, sed ad eorum hæredes transiret, quos tamen testator non ita dilexisse præsumitur, quam hæredem vel Legatarium. In Contractibus vero mors expectanda, quæ sola contrarium fieri impedit, ratio est, quia in ultimis voluntatibus omne dependet ex unius testatoris voluntate, in Contractibus vero a plurium arbitrio *L. 83. §. 1. de V. O.* atque contrahens sibi imputet quod effectum contractus ad tempus mortis ipse sibi prolongaverit. Adjectione temporis etiam restringitur voluntas. Tempus autem vel est certum vel incertum. Certum vel tanquam terminus ad quem, vel tanquam terminus ex quo, ille regularitur pro libitu volentis potest accedere, quousque nempe debeat durare obligatio. Hic autem contractus est purus, cum dies non differendæ obligationis, sed constitutæ finiendæ causa adjiciatur, non quidem ipso jure, sed doli vel pacti exceptione *L. 44. §. 1. de O. & A.* Incertum tempus adjicitur etiam vel ut terminus ex quo, vel ad quem; & ille vel ipsi negotio, vel tantum petitioni. Illo casu distinguendum: an sit incertum AN & quando simul, an AN tantum, an quando tantum. Duo priora voluntatem & negotium faciunt conditionale *L. 18. L. 21. pr. quand. dies Legat.* Hocque non solum in ultimis voluntatibus, sed & in conventionibus obtinet. *L. 56. de condi&. indeb.* Posterius scilicet quando tantum incertum, certum vero

)(3

an

an sit exiturum, in conventionibus nunquam facit conditionem & obligatio transit ad hæredes §. 15. *I. de inutil. stipulat.* quod in ultimis voluntatibus aliter se habet *L. 1. §. 2. de condit. & demonstr.* Sicuti igitur, uti supra deductum est, voluntas hominis in omnibus negotiis per adjectionem modi, conditionis & temporis restringitur, ita præcipue in donationibus tam inter vivos, quam mortis causa, hæ enim, dum celebrantur adinstar aliorum contractuum has adjectiones & pactiones admittunt. *tot. tit. Cod. de donationibus*, quæ sub modo, vel conditione vel certo tempore conficiuntur, de qua materia præcipue *ad L. si doceas 1. dist. tit.* quam publice ex cathedra explanandam sibi elegit, fusius discurret

NOBILIS ET CLARISSIMVS
DOMINVS
DANIEL AVGVSTVS ZIMMER-
MANNVS,

DRESDENSIS,
ADVOCATVS, ET NOTARIVS PVBLICVS CAESAREVS
IMMATICVLATVS,

Qui Primam aspexit Lucem Dresdæ VI Iduum Novemb. A. S. R. CIO IDCC XXIII. Patrem veneratur DANIELEM ZIMMERMANNVM, qui miles prætorianus, Regiæ Majestatis Poloniarum, & Electoris Saxoniam, quod vulgo dicitur Schweizer-Garde fuit; matrem verò MAGDALENAM LOVISAM natam JUCKENBERG. B. Parentum cura præcipue erat, eum scientiis & studiis liberalibus consecrare. Hinc, in circa A. MDCC XXXIII. Scholæ crucis Dresdæ incorporabatur, in qua per novem annos,

nos, in addiscendis humanioribus commorabatur. Anno MDCCXLIV. vero ad Academiam Lipsiensem se conferebat, ubi ab Universitatis Rectore Magnifico Dn. JOANNE FRIDERICO CHRISTIO, Poët. Prof. Publ. ord. Historiar. extraord. & min. Princ. Colleg. Collegiato, in numerum civium Academicorum XVII. Cal. Jul. recipiebatur. Hac in academia fundamentum futuræ eruditionis, in Philosophia fruere, operam navabat. Ex hac ratione audiebat in Collegiis Philosophicis Dn. D. MÜLLERVM, Dn. Prof. WINCKLERVM, Dn. Prof. KAESTNERVM jun. & qui erant cæteri. In studio juridico autem, quod summa intentionis ejus erat; audiebat B. Dn. D. ABRAH. KAESTNERVM ad Institutiones & Pandectas ad Feudale & Saxon. jus verò Dn. D. MENCKENIUM, SIEGELIUM, ZOLLERVM, in criminalibus, Dn. D. HOMMELIUM, in Histor. Dn. D. JOECHERVM &c. Anno MDCCXLIX. Academia valedicebat, & in civitatem natalem remigrabat, ex qua ad Præfecturas nonnullas Saxonicas Electorales vocabatur, in quibus ab anno MDCCCL. ad annum MDCCCLIV. usque Partes Actuarii administrabat. Eodem in anno ab inclyta Facultate juridica Vitebergensi more Saxonum consueto, postquam antea Magistratus Lipsiensis eum Notarium Cæsareum creaverat, pro praxi juridica examinabatur, & jussu Serenissimi Legislatoris Saxoniae speciali, in numerum Advocatorum præfrito juramento adscribebatur, & ad hanc usque diem praxin juridicam Misena exercet. Tandem ut absoluto cum laude studio & studio Academico bravium sui laboris reportaret, consuetis jurium Candidatorum Examinibus subjici, ob ordine nostro petiit, honestæ

Ita ejus petitioni annuere non dubitavimus. Transmisimus proinde ipsi textus ex utroque jure resolvendos, quos ita elaboravit, & ad quaestiones praepositas ita respondit, ut unanimi consensu superemis in utroque jure honoribus rite obtinendis merito dignus fuerit judicatus. Habebit proinde lectionem cursoriam die 3 Octobris, eaque finita, Disputationem inauguralem

DE

JVRE ACCRESCENDI IN QVANTITATIS LEGATO ETIAM OBTINENTE.

Quibus actibus ut Magnificus Dominus Vniversitatis Rector, Domini Proceres & Cives Academici interesse velint, officiose & amice rogantur, invitantur. Publ. sub Sigill. Facult. Jurid. die 27 Septembris A. O. R. M DCC LXI.



ERFUERT, Diss., 1767/67

SS.


ULB Halle
004 995 333

3



VD 18







1761, 4

FACVLTATIS JURIDICAE
DECANVS
**CONRAD. WILHELM.
STRECKER**

JCTVS

EMINENTISSIMI AC CELSISSIMI PRINCIPIS ELECTORIS
MOGVNTINI CONSILIARIVS REGIMINIS, PRAEFATAE
FACVLTATIS ASSESSOR SENIOR, DECRETALIVM PRO-
FESSOR PVBLICVS ORDINARIVS, ET CIVITATIS
ERFORDIENSIS CONSVL PRI-
MARIVS.

L. B. S.



ERFORDIAE,
INTERIS HERINGIANIS, ACAD. TYPOGR.

